

# Kora A Xandzuka

TINHLAYO TINDZIMA 16-17

Hlawulani tidyondzo leti vana va n'wina va nga ta ti tsakela va tlhela va dyondza eka tona.

Bulani hi tona tanihi ndyangu.




## HLAYANI TINHLAYO TINDZIMA 16-17

Hlayani hi Mhaka Ya Le Bibeleni Leyi Nga Ni Xifaniso (ku nga ha va eka Website ya hina kumbe eka PDF leyi printiweke) ivi mi hlamula swivutiso leswi nga emakumu ka dyondzo.


**RINGETANI LESWI:** Yingiselani drama leyi nge “*Xixima Vulawuri bya Yehovha*.” Kopani drama leyi eka [www.jw.org/ts](http://www.jw.org/ts). (Langutani eka MINKANDZIYISO > TIDRAMA). Kutani mi burisana hi swivutiso leswi tanihi ndyangu: (1) Hi tihi tindlela leti Kora ni valandzeri vakwe va tsandzekeke ku kombisa ku tshembeka ha tona? (2) Hi nga n'wi kombisa njhani Yehovha leswaku hi xixima vulawuri byakwe?

## TIDYONDZO LETI PRINTEKAKA




### DYONDZO YA XIFANISO

**TLUKA RO PENDELA** Hlayani Eksoda 28:15-21. Kutani, pfunani vana va n'wina ku penda maribye ya risima lama nga exinkwamaneni xa le xifuveni. Eku heteleleni, va pfuneni va tsema xinkwamana xa le xifuveni ivi va xi ambala.



### DYONDZO YO HLAYA

**SWIPHEMU SWA NXAXA** Kombelani n'wana lontsongo a tsema a tlhela a hlanganisa nxaxa wa Vaisrayele. Endzhaku ka sweswo a tseme mavito ya vanhu va le Bibeleni. N'wi kombelani a tsala vito ra yena a tlhela a dirowa xifaniso xa yena eka xifaniso xa munhu un'we laha ku nga dirohiwangiki nchumu. Eku heteleleni, kombelani vana va n'wina va tirhisa swiphemu hinkwaswo swa nxaxa leswaku va encenyeta mhaka ya Kora. Eka xivono xin'wana ni xin'wana, vutisani n'wana mi ku: “Loko a wu ri kona laha, a wu ta va u yime kwihi?”



### HLAYISANI MAKHADI

**KHADI RA MUNHU WA LE BIBELENI** Hlayani matimu. Vutisani swivutiso leswi nga eka khadi. Hi ku tirhisa khadi leri ni man'wana lama kumekaka eka [jw.org/ts](http://jw.org/ts), pfunani n'wana wa n'wina leswaku a kuma mavito ya vanhu van'wana va le Bibeleni va ntlhanu lava a va ri va rixaka ra Levhi:

(1) muprofeta loyi a sunguleke ku tirha etempeleni a ha ri mufana, (2) vana vanharhu va Amirama ni (3) n'wana wa muprista loyi a tsaleke tibuku ta mune ta Bibebe.—**LEXI NGA MI PFUNAKA KU KUMA NHLAMULO:** Hlayani 1 Samuwele 3:1; 1 Tikronika 6:1-3, 33, 34; Yeremiya 1:1.